






第三八〇册

四庫全書

●上海古籍出版社

本冊目次

通

志(九)

宋鄭樵撰……………一

欽定四庫全書

史部
通志卷一百六十五

詳校官編修_臣李潢
編修_臣裴謙覆勘

覆校官助教_臣金學詩
校對官學正_臣徐立綱
勝錄監生_臣林紹龍

欽定四庫全書

通志卷一百六十五

宋石廸功_即鄭樵漁仲撰

外戚傳

晉

羊琇_{王向弟}度楊文宗_{羊元之}虞豫_{允度}

琛_{杜乂}褚裒_{何準}澄_{王濛}脩_{王遐}王蘊

褚裒

欽定四庫全書

通志
卷一百六十五

後魏

賀訥姚黃眉杜超賀遜閭毗馮熙_子

李惠高肇胡國珍_{從曾孫}楊騰乙弗繪

北齊

趙猛胡長仁

隋

高祖外家呂氏獨孤羅_{弟善}

晉

羊琇字稚舒景獻皇后從父弟也父耽官至太常兄瑾尚書右僕射琇少舉郡計參鎮西鍾會軍事從平蜀及會謀反琇正言苦諫還賜爵關內侯琇涉學有智算少與武帝通門甚相親狎每接筵同席嘗謂帝曰若富貴見用任領護各十年帝戲而許之初帝未為太子而聲論不及弟攸文帝素有代宗之義琇密為武帝畫策甚有匡救又觀察文帝為政損益揆度應所顧問之事皆令武帝默而識之後文帝與武帝論當世之務及人間欽定四庫全書

通志
卷一百六十五

二

可否武帝答無不允由是儲位遂定及帝為撫軍命琇參軍事帝即王位後擢琇為左衛將軍封甘露亭侯帝踐阼累遷中護軍加散騎常侍琇在職十三年典禁兵豫機密寵遇甚厚初杜預拜鎮南將軍朝士畢賀皆連榻而坐琇與裴楷後至曰杜元凱乃復以連榻而坐客邪遂不坐而去琇性豪侈費用無復齊限而屑炭和作獸形以溫酒洛下豪貴咸競效之又喜游讌以夜續畫中外五親無男女之別時人譏之然黨慕勝已其所推

奉便盡心無貳窮窘之徒特能振卹選用多以得意者居先不盡銓次之理將士有冒官位者為其致節不惜軀命然放恣犯法每為有司所貸其後司隸校尉劉毅劾之應至重刑武帝以舊恩直免官而已尋以侯白衣領護軍項之復職及齊王攸出鎮也琇以切諫忤旨左遷太僕卿既失寵憤怨遂發病以疾篤求退拜特進加散騎常侍還第卒帝手詔追贈輔國大將軍開府儀同三司賜東園祕器朝服一襲錢三十萬布百疋諡曰威欽定四庫全書

通志
卷一百六十五

三

王恂字良夫文明皇后之弟也父肅魏蘭陵侯恂文義通博在朝忠正累遷河南尹建立二學崇明五經高令袁粲嘗餽以駿馬恂不受及殺敗受化貨者皆被貶黜馬魏氏給公卿已下租牛客戶數各有差自後小民憚役多樂為之貴勢之門動有百數又太原諸部亦以匈奴人為之田客多者數千武帝即位詔禁募客恂明峻其防所部莫敢犯者咸寧四年卒贈車騎將軍恂弟虔字恭祖以功幹見稱累遷衛尉封安壽亭侯拜平東將

軍假節監青州諸軍事徵為光祿勳尚書卒子士文嗣歷右衛將軍南中郎將鎮許昌為劉聰所害度弟愷字君夫少有才力歷位清顯雖無細行有在公之稱以討楊駿勲封山都縣公邑千八百戶遷龍驤將軍領驍衛將軍加散騎常侍尋坐事兒官起為射聲校尉久之轉後將軍愷既世族國威性復豪侈用赤石脂泥壁石崇以愷將為蠲毒之事司隸校尉傅祗劾之有司皆論正重罪詔特原之由是衆人僉畏愷故敢肆其意所欲

之事無所顧憚焉及卒諡曰醜

楊文宗武元皇后父也其先仕漢四世為三公文宗為魏通事郎襲封務亭侯早卒以後父追贈車騎將軍諡曰穆

羊元之惠皇后父尚書右僕射瑾之子也元之初為尚書郎以後父拜光祿大夫特進散騎常侍更封興晉侯遷尚書右僕射加侍中進爵為公成都王穎之攻長沙王乂也以討元之為名遂憂懼而卒追贈車騎將軍開

府儀同三司

虞豫元敬皇后父也少有美稱州郡禮辟並不就拜南陽王文學早卒明帝即位追贈散騎常侍驃騎大將軍開府儀同三司平山縣侯子允嗣允敬后弟也初拜散騎常侍遷步兵校尉太宰未追贈豫官以允襲封爵轉右衛將軍與南頓王宗俱為明帝所昵並典禁兵及帝不豫宗以陰謀發覺事連允帝隱忍不問徙允為宗正卿加散騎常侍咸和二年宗伏誅左遷允為桂陽太守秩中二千石頻徙琅邪廬陵太守咸康元年卒追贈衛將軍加散騎常侍子洪襲爵

庾琛字子美明穆皇后父也兄褒在孝友傳琛永嘉初為建威將軍過江為會稽太守徵為丞相諮議祭酒卒官以後父追贈左將軍妻母丘氏追封鄉君子亮陳先志不受咸和中成帝又下詔追贈琛驃騎將軍儀同三司亮又辭焉亮在列傳

杜乂字弘理成恭皇后父也祖鎮南將軍預父尚書左

丞相錫又性純和美容有盛名於江左王羲之見而目之曰庸若凝脂眼如點漆此神仙人也桓彝亦曰衛玠神清杜乂形清襲封當陽侯為丹陽丞早卒無男生后而又終妻裴氏隱居養后以禮自防甚有德音咸康初追贈乂金紫光祿大夫封裴氏為高安鄉君邑五百戶至孝武帝時常進為廣德縣君裴氏壽考百姓號曰杜姥初司徒蔡謨甚器重乂嘗言於朝曰恨諸君不見杜乂也其為名流所重如此

欽定四庫全書

通志
卷一百六十五

六

褚裒字季野康獻皇后父也祖韶有局量以幹用稱嘗為縣吏事有不合令欲鞭之韶曰物各有所施榷掾之材不合以為藩落也願明府垂察乃捨之家貧辭吏年垂五十鎮南將軍羊祜與之有舊言於武帝始被升用官至安東將軍父治武昌太守裒少有簡貴之風與京兆杜乂俱有盛名冠于中興譙國桓彝見而目之曰李野有皮裏陽秋言其外無臧否而內有所裒貶也謝安亦雅重之常云裒雖不言而四時之氣亦備矣初辟西

陽王掾吳王文學蘇峻之構逆也車騎將軍郝鑒以裒為參軍峻平以功封都鄉亭侯稍遷司徒從事中郎除給事黃門侍郎康帝為琅邪王將納妃妙選素望詔娉裒女為妃於是出為豫章太守及康帝即位徵拜侍中遷尚書以后父苦求外出除建威將軍江州刺史鎮半洲在官清約雖居方伯恒使私僮樵採頃之徵為衛將軍領中書令裒以中書銓管詔命不宜以姻戚居之固讓詔以為左將軍兗州刺史都督兗州徐州之琅邪諸

欽定四庫全書

通志
卷一百六十五

七

軍事假節鎮金城又領琅邪內史初裒總角詣庾亮亮使郭璞筮之卦成璞駭然亮曰有不祥乎璞曰此非人臣卦不知此年少何以乃表斯祥二十年外吾言方驗及此二十九年而康獻皇太后臨朝有司以裒皇太后父議加不臣之禮拜侍中衛將軍錄尚書事持節都督刺史如故裒以近戚懼讓謙嫌上疏固請居藩於是改授都督徐兗青揚州之晉陵吳國諸軍事衛將軍徐兗二州刺史假節鎮京口永和初復徵裒將以為揚州錄

欽定四庫全書

通志
卷一百六十五

八

尚書事吏部尚書劉遐說哀曰會稽王令德國之周公也足下宜以大政付之哀長史王胡之亦勸焉於是固辭歸藩朝野咸歎服之進號征北大將軍開府儀同三司固辭開府哀又以政道在於得才宜委賢任能升進舊齒乃薦前光祿大夫顧和侍中殷浩疏奏即以和為尚書令浩為揚州刺史及石虎死哀上表請伐之即日戒嚴直指泗口朝議以哀事任貴重不宜深入可先遣偏師哀重陳前所遣前鋒督護王頤之等徑造彭城示以威信後遣督護麋嶷進軍下邳賊即奔潰嶷率所領據其城池令宜速發以成聲勢於是除征討大都督徐兗青揚豫五州諸軍事哀鑒衆三萬徑進彭城河朔士庶歸降者日以千計哀撫納之甚得其歡心先遣督護徐龕伐沛獲偽相支重郡中二千餘人歸降魯郡山有五百餘家亦建義請援哀遣龕領銳卒三千迎之龕遣哀節度軍次代敗為石遵將李克所敗死傷大半龕執節不撓為賊所害哀以春秋責帥授任失所咸畧虧損

欽定四庫全書

通志
卷一百六十五

九

上疏自貶以征北將軍行事求留鎮廣陵詔以偏師之責不應引咎通寇未殄方鎮任重不宜貶降使還鎮江口鮮征討都督時石虎新死其國大亂遺戶二十萬口渡河將歸順乞師救援會哀已旋威勢不接莫能自拔皆為慕容皝及苻健之衆所掠死亡咸盡哀以遠圖不就憂慨發疾及至京口聞哭聲甚衆哀問何哭之多左右曰代陂之役也哀益慚恨永和五年卒年四十七遠近嗟悼吏士哀慕之贈侍中太傅本官如故諡曰元穆子歆字幼安以學行知名歷散騎常侍祕書監何準字幼道穆章皇后父也高尚寡欲弱冠知名州府交辟不就兄充為驃騎將軍勸其令仕準曰第五之名何減驃騎準兄弟中第五故有此言充居宰輔之重權傾一時準散騎帶衙門不及人事唯誦佛經脩營塔廟而已徵拜散騎侍郎不起年四十七卒升平元年追贈金紫光祿大夫封晉興縣侯子恢以父素行高潔表讓不受三子放懷澄放繼充恢官至南康太守早卒恢子元

度西陽太守次叔度太常卿尚書澄字季元起家祕書
郎轉丞清正有器望累遷祕書監太常中護軍孝武帝
深愛之以為冠軍將軍吳國內史太元末琅邪王出居
外第妙選師傅徵拜尚書領琅邪王師安帝即位還尚
書左僕射典選王師如故時澄以脚疾固讓特聽不朝
坐家視事又領本州大中正及桓元執政以疾奏免卒
于家安帝反正追贈金紫光祿大夫長子籍早卒次子
融元熙中為大司農

欽定四庫全書

通志
卷一百六十五

十一

王濛字仲祖哀靖皇后父也會祖顯歷位尚書祖佑北
軍中候父訥新淦令濛少時放縱不羈不為鄉曲所齒
晚節克已勵行有風流美譽虛已應物恕而後行莫不
敬愛焉事諸母甚謹奉祿資產常推厚居薄喜愠不形
於色不脩小潔而以清約見稱善隸書美姿容嘗覽鏡
自照稱其父字曰王文開生如此兒邪居貧帽敗自入
市買之嫗悅其貌遺以新帽時人以為達與沛國劉惔
齊名友善惔嘗稱濛性至通而自然有節濛每云劉君

欽定四庫全書

通志
卷一百六十五

十一

知我勝我自知時人以惔方荀奉倩濛比袁曜卿凡稱
風流者舉濛惔為宗焉司徒王導辟為掾導復引匡術
弟孝濛致牋於導曰開國承家小人勿用公仗德義以
尹天下方將澄清彝倫崇重名器夫軍國殊用文武異
容豈可令涇渭混流麇清穆之風何以允答具瞻儀刑
海內導不答後出補長山令復為司徒左西屬濛以此
職有譴則應受杖固辭詔為停罰猶不就徙中書郎簡
文帝之為會稽王也嘗與孫綽商畧諸風流人綽言劉
惔清蔚簡令王濛溫潤恬和桓溫高爽邁出謝尚清易
令達而濛性和暢能言理辭簡而有會及簡文帝輔政
益貴幸之與劉琰號為入室之賓轉司徒左長史晚求
為東陽不許及濛病乃恨不用之濛聞之曰人言會稽
王癡竟癡也疾漸篤於燈下轉麈尾視之歎曰如此人
曾不得四十年也年三十九卒臨殯劉琰以犀把麈尾
置棺中因慟絕久之謝安亦嘗稱美濛云王長史語甚
不多可謂有令音有二子脩縕脩字敬仁小字荀子明

秀有美稱善隸書號曰流奕清舉年十二作賢全論豫以示劉琰曰敬仁此論便足以參徵言起家著作郎琅邪王文學轉中軍司馬未拜而卒年四十二臨終歎曰無媿古人年與之齊矣

王遐字桓子簡順皇后父驃騎將軍述之從叔也少以華族仕至光祿勳寧康初追贈特進光祿大夫加散騎常侍諡曰靖長子格領軍將軍恪子欣之豫章太守秩中二千石欣之弟懼之廣州刺史遐少子臻崇德衛尉

欽定四庫全書

通志
卷一百六十五

十三

王蘊字叔仁孝武定皇后父司徒左長史濛之子也起家著作郎累遷尚書吏部郎性平和不抑寒素每一官缺求者十輩蘊無所是非時簡文帝為會稽王輔政蘊輒連狀白之曰某人有地某人有材務存進退各隨其方故不得者無怨焉補吳興太守其有德政屬部荒人飢輒開倉贍卹主簿執諫請先列表上待報蘊曰令百姓嗷然路有飢饉若表上須報何以救將死之命乎專輒之愆罪在太守且行仁義而敗無所恨也於是大賑

貸之賴蘊全者十七八焉朝廷以遠科免蘊官士庶詣闕訟之詔特左降晉陵太守復有惠化百姓歌之定后立以后父遷光祿大夫領五兵尚書本州大中正封建昌縣侯蘊以恩澤賜爵非三代令典固辭不受朝廷敦勸終不肯拜乃授都督京口諸軍事左將軍徐州刺史假節復固讓謝安謂蘊曰卿居后父之重不應妄自菲薄以虧時遇宜依褚公故事但令在貴權於事不事耳可暫臨此任以紓國恩之重於是乃受命鎮于京口頃

欽定四庫全書

通志
卷一百六十五

十三

之徵拜尚書左僕射將軍如故遷丹陽尹即本軍號加散騎常侍蘊以姻戚不欲在內苦求外出復以為都督浙江東五郡鎮軍將軍會稽內史常侍如故蘊素嗜酒末年尤甚及在會稽畧少醒日然猶以和簡為百姓所悅時王悅來拜墓蘊子恭往省之素相善遂留十餘日方還蘊問其故恭曰與阿太語蟬連不得歸蘊曰恐阿太非汝之友阿太悅小字也後竟乖初好時以為知人太元九年卒年五十五追贈左光祿大夫開府儀同三

司長子華早卒次子恭在列傳恭弟奘字李明彊正有志力歷給事黃門侍郎侍中孝武帝崩王國寶夜欲開門入為遺詔奘距之曰大行晏駕皇太子未至敢入者斬乃止奘嘗與會稽王道子飲道子醉呼奘為小子奘曰亡祖長史與簡文皇帝為布衣之交亡姑亡姊仇儼二宮何小子之有及國寶執權免奘官後兄恭再起事並以奘為寧朔將軍參預國事恭敗被誅

褚奘字弘茂小字期生恭思皇后父也祖哀父歆奘少有志稱謝安甚重之嘗曰若期生不佳我不復論士矣為義興太守早卒以後父追贈金紫光祿大夫奘子秀之淡之裕之義熙中並歷大官宋史有傳

後魏

賀訥代人道武皇帝之舅獻明后之兄也其先世為君長四方附國有數十部祖紇始有勲於國尚平文女父野干尚昭成女遼西公主及昭成崩諸部乖亂獻明后與道武及衛泰二王往依訥會苻堅使劉庫仁分攝國

欽定四庫全書

通志
卷一百六十五

十四

事於是道武還居獨孤部訥總攝東部為大人遷居大寧行其恩信衆多歸之盛於庫仁苻堅假訥鷹揚將軍後劉顯謀逆道武輕騎歸訥訥見而驚喜拜曰官家復國之後當念老臣帝笑曰誠如舅言要不忘也訥中弟染干鷹暴忌帝常圖為逆每為皇姑遼西公主擁護故染干不得肆其禍焉諸部大人請訥兄弟求舉道武為主染干曰在我國中何得爾也訥曰大國興復先業於我國中我國之福也遂與諸大人勸進道武登代王位于牛川及帝討吐突隣部訥兄弟遂懷異圖率諸部救之帝擊之大潰訥西還衛辰遣子直力鞬征訥訥告急請降道武簡精騎二十萬救之遂徙訥部落及諸弟處之東偏訥又通於慕容垂垂以訥為歸善王染干謀殺訥而代立訥遂與染干相攻垂遣子麟討之敗染干於牛都破訥於赤城道武遣師救訥麟乃引退訥從道武平中原拜安遠將軍其後離散諸部分土定居不聽遷徙其君長大人皆同編戶訥以元舅稍見尊重然無所

欽定四庫全書

通志
卷一百六十五

十五

統領以壽終於家訥弟盧亦從平中原以功賜爵遼西

公帝遣盧會衛王儀伐鄴而盧自以帝之季舅不肯受

儀節度帝遣使切責之盧遂憤恨與儀司馬丁建構成

其嫌彌加猜忌會道武勅儀去鄴盧亦引歸道武以盧

為廣川太守盧性雄豪耻居冀州刺史王輔下襲殺輔

奔慕容德德以為并州刺史廣寧王廣固敗盧亦沒訥

從父弟悅初道武之居賀蘭部也人情未甚附唯悅舉

部隨從又密為帝祈禱天神請成大業出於誠至帝嘉

欽定四庫全書

通志
卷一百六十五

十六

之甚見寵待後平中原以功賜爵鉅鹿縣侯進爵北新

公卒子泥襲爵後降為肥如侯道武崩京師草草泥出

舉烽於安陽城北賀蘭部人皆往赴之明元即位乃罷

詔泥與元渾等八人拾遺左右與北新侯安同持節行

并定二州劾奏并州刺史元六頭等皆伏罪州郡肅然

後從太武征赫連昌以功進爵為琅邪公軍國大事並

參預焉又征蠕蠕為別道將坐逐賊不進詐增虜級當

斬贖為庶人久之拜光祿勳為外都大官復本爵卒官

子醜建襲

姚黃眉姚興之子明元昭哀皇后之弟也姚泓滅黃眉

間來歸魏明元厚禮待之賜爵隴西公尚陽翟公主拜

駙馬都尉隸戶二百太武即位遷內都大官後拜太常

卿卒贈雍州刺史隴西王諡曰獻陪塋金陵黃眉寬和

溫厚希言得失太武悼惜之故贈禮有加焉

杜超字祖仁魏郡鄴人密皇后之兄也少有節操泰恒

中為相州別駕始光中太武思念舅氏以超為陽平公

欽定四庫全書

通志
卷一百六十五

十七

尚南安長公主拜駙馬都尉位大鴻臚卿車駕幸其第

賞賜巨萬神龜三年以超行征南大將軍太宰進爵為

王鎮鄴追加超父豹鎮東大將軍陽平景王母曰鉅鹿

惠君真君五年超為帳下所害太武臨其喪哀慟久之

諡曰威王長子道生賜爵城陽侯後為秦州刺史進爵

河東公道生弟鳳皇襲超爵侍中特進太武追思超不

已欲以鳳皇為定州刺史鳳皇不願違離闕庭乃止鳳

皇弟道雋賜爵發干侯鎮枋頭除兗州刺史超既薨復

授超從弟遺侍中安南將軍開府相州刺史入為內都大官進爵廣平王遺性忠厚頻歷州郡所在著稱薨贈太傅諡曰宣王長子元寶位司空元寶弟允寶司隸校尉元寶又進爵京兆王及歸而父遺喪明當入謝元寶欲以表聞文成未知遺薨怪其不至召之元寶將入時人止之曰宜以家憂勿往元寶欲見其寵不從遂冒哀而入未幾以謀反伏誅親從皆斬唯元寶子世衡逃免時朝議欲追削超爵位中書令高允上表理之後克州

欽定四庫全書

通志

卷一百六十五

十八

故更汲宗等以道傷遺惠在人前從坐削爵受誅委骸土壤求得收葬書奏詔義而聽之贈散騎常侍安南將軍南康公諡曰昭世衝襲遺公爵

五原公

閭毗代人蠕蠕主大檀之親屬太武時自其國來降毗即恭皇后之兄也后生文成文成大安二年以毗為平

北將軍賜爵河東公弟紇為寧北將軍賜爵零陵公其年並加侍中進爵為王毗征東將軍評尚書事紇征西將軍中都大官自餘子弟賜爵為王者二人公五人侯六人子三人同時受拜所以隆崇舅氏和平二年追諡后祖父延定襄康公父辰定襄懿王毗薨贈太尉追贈毗妻河東王妃子惠襲紇薨贈司空子豆後賜名莊太和中初立三長以莊為定戶籍大使其有時譽十六年例降爵後為七兵尚書卒紇弟染位外都大官冀州刺

欽定四庫全書

通志

卷一百六十五

十九

史江夏公卒先是文成以乳母常氏有保護功既即尊位尊為保太后後尊為皇太后興安二年太后前兄英字世華自肥如令超為散騎常侍鎮軍大將軍賜爵遼西公弟喜鎮軍大將軍祠曹尚書帶方公三妹皆封縣君妹夫王睹為平州刺史遼東公追贈英祖父苻堅扶風太守亥為鎮西將軍遼西簡公父渤海太守澄為侍中征東大將軍太宰遼西獻王英母許氏博陵郡公遣兼太常盧度世持節改葬獻王於遼西樹碑立廟置守

冢百家太安初英為侍中征東大將軍太宰進爵為王
魯左光祿大夫改封燕郡從兄訢為安東將軍朝鮮侯
訢子伯夫散騎常侍選部尚書次子員金部尚書喜子
振太子庶子三年英領太師評尚書事內都大官伏寶
泰等州刺史五年詔以太后母宋氏為遼西王太妃和
平元年喜為洛州刺史初英事宋不能謹而賭奉宋甚
至就食於和龍無車牛宋疲不能進賭負宋於爰至是
宋於英等薄不如賭之篤謂太后曰何不王賭而黜英

欽定四庫全書

通志

卷一百六十五

二十

太后曰英為長兄門戶主也家內小小不順何足追計
賭雖盡力故是他姓奈何在英上本州郡公亦足報矣
天安中英為平州刺史訢為幽州刺史伯夫進爵范陽
公英濁貨徙敦煌諸常自興安至是皆以親疏受爵賜
田宅時為隆盛後伯夫為洛州刺史以賦污欺妄徵斬
於京都承明元年徵英復官薨諡遼西平王始英之徵
也夢曰墜其所居黃山下水中村人以牛車挽致不能
出英獨抱載而歸聞者異之後員與伯夫子禽可共為

飛書誣謗朝政事發有司執憲刑及五族孝文以文明
太后故罪止一門訢年老赦免歸家恕其孫一人扶養
又給奴婢田宅其家僮沒入者百人金錦布帛數萬計
賜尚書已下宿衛已上其女婿及親從在朝皆免歸本
鄉十一年孝文文明太后以文昭太后故悉出其家前
後沒入子女以喜子振試守正平郡卒

欽定四庫全書

通志

卷一百六十五

二十

馮熙字晉昌長樂信都人文明太后之兄也祖弘北燕
主太武平遼海熙父朗內徙官至秦雍二州刺史遼西
郡公坐事誅文明太后臨朝追贈假黃鉞太宰燕宣王
立廟長安熙生於長安為姚氏魏母所養以叔父樂陵
公邀因戰入蠕蠕魏母攜熙逃避至氏羌中撫育年十
一好弓馬有勇幹氏羌皆歸附之魏母惡其如此將還
長安始就博士學問從師授孝經論語好陰陽兵法事
及長游華陰河東二郡間性汎愛不拘小節人無士庶
來則納之取人子女為奴婢有容色者幸之為妾有子
女數十人號為貪縱文明太后既貴使人訪知熙所在

徵赴京師拜冠軍將軍賜爵肥如侯尚景穆女博陵長公主拜駙馬都尉出為定州刺史進爵昌黎王獻文即位遷太傅累拜內都大官孝文即位文明太后臨朝王公貴人登進者衆帝乃承旨以熙為侍中太師中書監領祕書事熙以頻履師傅又中宮之寵為羣情所駭心不自安乞轉外任文明太后亦以為然於是除車騎大將軍開府都督洛州刺史餘如故洛陽雖經破亂而舊三字石經宛然猶在至熙與常伯夫相繼為州廢毀分

服熙表求依趙氏之孤帝以熙情難奪聽服齊衰期後以例降改封京兆郡公帝納其女為后曰白虎通云王所不臣數有三焉妻之父母抑言其一此所謂供承宗廟不欲奪私心然吾孝著於春秋無臣證於往牒既許通體之一用開至尊之敬比長秋配極陰政既敷未聞有司陳奏斯式可詔太師輒從臣禮又勒集書造儀付外孝文前後納熙三女二為后一為昭儀由是馮氏寵貴益厚賞賜累鉅萬帝每詔熙上書不臣入朝不拜熙上書如舊熙於後遇疾綿寢四載詔遣醫問道路相望車駕亦數臨幸焉將遷洛帝親與熙別見其困篤獻歎流涕密勅宕昌公主曰太師萬一不幸即可監護喪事十九年薨於代車駕在淮南留臺表聞遷至徐州乃舉哀為制總服詔有司豫辦山儀并開魏京之墓令公主之柩俱向伊洛凡所營送皆公家為備又勅代都給綵帛前後六千匹以供凶用皇后詣都赴哭太子恂亦赴代哭及將葬贈黃鉞侍中都督十州諸軍事大司馬太

尉冀州刺史加黃屋左纛備九錫前後部羽葆鼓吹皆依晉太宰安平獻王故事有司奏諡諡曰可以威彊恢遠曰武奉諡於公柩至洛七里潤帝服縗往迎叩靈悲慟而拜焉癸日送臨墓所親作銘誌主生二子誕脩誕字思正脩字實業皆姿質妍麗年財十餘文明太后俱引入禁中申以教誡然不能習讀經史兄弟並無學術徒整飾儀容寬雅恭謹而已誕與孝文同歲幼侍書學仍蒙親侍尚帝妹樂安長公主拜駙馬都尉侍中征西欽定四庫全書

通志
卷一百六十五

十四

其意不致於法撻之百餘黜為平城百姓脩妻司空穆亮女也求離婚請免官帝引管蔡事皆不許帝寵誕仍陰與同輿而載同案而食同席坐卧彭城王勰北海王詳雖直禁中然親近不及十六年以誕為司徒帝既愛誕除官日親為制三讓表并啓將拜又為其章謝尋加車騎大將軍太子太師十八年帝謂其無師傅樊導風誕深自誨責從駕南伐十九年至鍾離誕遇疾不能侍從帝日省問醫藥備加帝銳意臨江乃命六軍發鍾離南轅與誕泣訣左右皆莫不掩涕時誕已惛然彊坐視帝悲而淚不能下言夢太后來呼臣帝嗚咽執手而出遂行是日去鍾離五十里許昏時告誕薨問帝哀不自勝時崔慧景裴叔業軍在中淮去所次不過百里帝乃輕駕西還從者數千人夜至誕薨所拊尸哀慟若喪至戚達旦聲淚不絕從者亦迭舉音帝以所服衣帽充襚親自臨視徹樂去膳宣勅六軍止臨江之駕帝親北渡慟哭極哀喪至洛陽車駕猶在鍾離詔留守賜賻物

欽定四庫全書

通志
卷一百六十五

十五